

ХЭРМЭН ЯАЖА ҮБЭЛЖЭДЭГ БЭ?

Хэрмэндэ үбэлдөө хүйтэн жабаршье, хүүемэ һалхиншье аймшагтай бэшэ. Һалхи шуурганай, хагсуу хүйтэнэй болохолоор, хэрмэн уурхай руугаа шамдан ороно.

Хэрмэнэй уурхайнь, шубуунай уурхай шэнги, модоной мүшэр, һалаагаар хээтэй байдаг. Тээд юун зохидхоноор хэгдэнхэй гээшэб — томо шар шэнги түхэрээн аад, хажуу таладаа орохо, гараха нүхэтэй.

Уурхай соонь зөөлөн хуурай дэбдихэр дэбдээтэй; зосоонь аятай зохид, дулаан. Хэрмэн уурхай соогоо ороод, хүйтэн һалхинай үлээхэгүйн тула нүхээе үшөө дэбдихэрээрээ бүглэнэ. Тиигээд бүмбыхэдэжэ хэбтээд, һагсагар һүүлээрээ хушаад, унташана.

Газаа таладань ханхинама хүйтэн һалхин шуужа, адаалхай жэжэхэн саһан шабажал байха юм. Шуурганай зогсоходо, хэрмэн уурхай сооһоо бултайн гараад, шэлгээгээд, модонһоо модондо хүрэн гарана — эдихэ хоолоо бэдэрнэ: нэгэ тээ хасуури, хушын борбоосгой таһалан абана, нэгэ тээ зундаа модоной гэшүүһэндэ хатаахаяа өөрынгөө үлгэжэрхиһэн хуурай һархяаг бэдэрэн олоно. Зүгөөр хэрмэнэй гол шухала эдээ хоолынь үшөө бүри намарһаа хойшо кладовой соонь — бүдүүн хухюур модоной хүнды соо — бэлэдхээтэй байдаг. Тэндэнь борбоосгойшье, һамаршье байха юм — бэлэдхэлынь бүхэли үбэл соо хүрэнэ.